

# Yude Chogsne Chagdis.

## Yude chagdisi skor.

I chagdis dia dzadkhanni, khoran Yakob (Kabo Yerushalemmi chostshogssi uskyonj inpin) khoe no tanj Yeshui zhabstogpa in zerdug. Chossi nanja khaspa manpoe i Yuda ni Yeshui no innog zerranog, (Kabo madthe 13:55 yanj Markussi 6:3 nanja Griiste yodte innog).

Khaspagunni i chagdispo Yeshui skutshabsgun sontea yoddi tus, kabo Yeshu tonjste sontea zhanjste stinje, lo 33 ne 47 ni parla dia dzadte innog zerranog.

Yude i chagdis dicesi gyuntshanbo tadpacangunla zusme lobbon tanj khongunni labzhagunne sparjpuces tanj sijnla tadpa phanjshangunla chadpa phogkhangun idtu skulcespo inpin. Khonji i chagdis silkhangunla migun mashike tadpe nanja khyonjcespo khagcan, yanj Konchoggi skyobba dzadcespo, khongunla idtu skulcessi dodpa nyampo dia dzads..

## Yude chogsne ju.

### 1:1 ne 2

**1** <sup>1</sup> Jule, na Yuda Yeshu mashike zhabstogpa tanj Yakobbi no in.

De i igebo, bodda dzadkhan, Konchog yabbi snyinje cespada dzadkhan yanj Yeshu mashike phia skyobste borra dzadkhan gunla diad.

<sup>2</sup> De moslam zhuad, Konchoggi khyozhagunla snyinjje, zhida tanj camspa gun, manje manja salshig.

## Lobbon zusmagunni jigsnanj.

### 1:3 ne 16

<sup>3</sup> Cespe spungun, zhanta na khyozhagunla nadanj tshanmaa thobcessi tharpe skorla dicesla rinjin yod, innanj ne khyozhagunla Konchoggi lancig tusgyunni phia khonji dampa migunni lagga stadda dzadkhanni tadpe nanja stanpo dugcesla spospa tanjin digoshespo khagcan sammarag. <sup>4</sup> De tebo khyozhagunla zerrad, ciazerna nanpa mi khacig khyozhagunni chostshogssi nanja sanje thogne des tsharte in. Tegunni Konchoggi thugjee tonbo gyurte nadangunla nanpe mitshe phudcessi ranwanj yodte innog zerranog. Tus manpozihiggi sijnla tezug migunla chadpa phogcessi skorla dia dzadte innog, ciazerna khongunni nadangunni gyalpo tanj Tsoo cigpo zhugskhanni Yeshu Mashikaa njolog corug.

<sup>5</sup> Zhanta khyozhagunla igunni skorla lan manpo tshorte innog. De khyozhagunla Tsoo Konchoggi Israelpagun ljob yulli tsheyogne thar cugga dzadteanj, stinje khonjika idshes macoskhangun, medkhan coa dzadkhanbo idtu skulnyinrag.

<sup>6</sup> Yanj wanje tshad salla dzadkhanboa mathadkhanni phonyagunni te Kosabo phans. Konchoggi tegun mundiggi nanja mane michadcessi lcathagga ldamste

thimscaddi te zhag tagpoe phia borra dzads. <sup>7</sup> Sodom tarj Gamora gyalsa yar nyekhorri donkhyerpa gun idtu coshig, kagunni mitshe lusdel ranpa tarj dodpa ranpe nanja phudspa, Konchoggi me nyampo medkhan coa dzads. Tegun, thamedpe mee chadpa phogcescangunni phia, spezhig innog.

<sup>8</sup> Tenna tsogs te zusme lobbongunni, Konchoggi khongunla nyilammi nanja scodlam ranpe mitshe phudcessi ranwan salte in zerranog. Khongunni wan yodkhangunla gyabgal coste namkhe nanja zhugskhanni zirrijdcangunla ranpa zerte innog. <sup>9</sup> Innar phonyagunni uskyon, Mekaelliar, lunstonpa Mozessi spurri skorla rdudgunni goba nyampo thabpa dzadtus, khonja khoe scodpe skorla ranpa zercessi hampa mayons, innar khonji mols, "Tsooe khyodla thimscad dzadshig." <sup>10</sup> Innar i zusme lobbongunni, hamagokhan tshanme gyabgalla spera ranpa tarjanog. Yar samba medkhanni rii semscan tsogsla, khongunni dodpa ranzhin cocospoe, khorangun medkhan chacugganog. <sup>11</sup> Khongunla tsamshiggi jigspa miyon, ciazerna khongun, Adammi butsha Kayinni<sup>a</sup> lam ranpeka dulte innog yar khongunni norri phia lunstonpa sdigcan Baalam<sup>b</sup> tsogssi northul coste innog. Konchogga nolog cokhan Kora<sup>c</sup> tsogsla, khongunla tantan chadpa phogin.

<sup>12</sup> Chadpaa majigskhanni te zusme lobbongunni, khyozhaa nyampo dampe solrassi nanja, khag lente teboa thelba khyonste innog. Khongun khoran cigpoa stastog cokhanni thelmeddi lugsdzigun innog. Khongun chu medkhan phanmithogssi sin lunspoe thidte khyerkhangun tsogs innog, yar khongun shinqot mane machagskhanni lcanma tsogs in, kabo patagne pharla phudpa shiad. <sup>13</sup> Khongun wan sul manyankhanni gyatshoe chulbag tsogs innog, kagunni thelmeddi voagun kenla pharjanog. Tegun skarma tontag medpa dulkhangun tsogs innog. Konchoggi khongun tusgyun dugcessi phia, mundiggi nassa tshanmesar tincanbo Idamma dzadte innog.

<sup>14</sup> Adamne Mirabs rdunpa inkhanni hanoggi<sup>d</sup> tegunni skorla maon lunstan salte inpin, "Ltosshig Tsoo, khonranji dampe phonya storthag manpo nyampo, <sup>15</sup> scodlam ranpa tshanma coste Konchoggi gyabgalla spera ranpa zerte khonja majigskhan tshanmala, khorangunni snyinji nanja thelba tshorcugces tar shags dzadcesla skyoddug."

<sup>16</sup> I zusme lobbongun tusgyun barkhan, zhanme nanja skyon tsalkhan, khonranji dodpa ranpe lammika dulkhan, khoran tar ranji skorla phoso cokhan tar ranji phanthogssi phia zhanmagunla stodpa tarjanog.

---

<sup>a</sup>1:11 gozuggi speche 4:1 ne 16

<sup>b</sup>1:11 tanjske speche 22:1 ne 24:25 nanja Baalammi penei phia Israelpagunla ran tabskhanbo dia dzadte dug.

<sup>c</sup>1:11 tanjska zerkhanni speche 16:1 ne 35 nanja Korahe Konchoggi Idamma dzadkhanni migunni gyabgalla nolog coskhanbo dia dzadte dug.

<sup>d</sup>1:14 yanja enog zerkhanni mibo

**Tadpe naŋŋa stanpo dugces.****1:17 ne 23**

<sup>17</sup> Innaŋ cespagun, ɲadaŋgunni Tsoo Yesu mashike skutshabsgunni luŋstan salkhangun idtu coshig. <sup>18</sup> Khoŋgunni khyozhaa shadda dzads,

"Thame tusla Tsoo thelba coin,

Spera taŋkhanni migun yoŋste

Khoraŋgunni dodpa ɲanpe lammika ɗulin."

<sup>19</sup> Te zusme lobbongunni, khyozhagunni ɗoa naŋtugs chacugin. Khoŋgunla dampe thugnyid med pasar, khoraŋgunni sdigpe dodpa naŋzhinla mitshe phuddanog.

<sup>20</sup> Innaŋ khyozhaa cespagun, khyozhe dampe tadpe naŋŋa khyozharaŋgun shugscan coshig. Yaŋ dampe thugnyiddi naŋŋa moslam tobshig. <sup>21</sup> Tsoo Yesu mashike snyiŋrjee naŋŋa thamedpe mitshea khyoŋcesla ɕuŋ zane Konchoggi campe naŋŋa dugshig.

<sup>22</sup> Tadpe naŋŋa thetshoms yodkhangunla snyiŋrje stonshig. <sup>23</sup> Nyalwe me chogsla chakhangun kogste khyoŋshig. Yaŋ zhanmagunla snyiŋrje stonshig, innaŋ khyozhagun tenna sdigpe naŋŋa gyel migyelcesla shaŋ coshig, matshad khoŋgunni sdigpe lasgunni zhaste tshitu chakhanni Koslagpoaŋ naphrad cos.

**Stodpe moslam.****1:24 taŋ 25**

<sup>24</sup> Khyozhaa sdigpe naŋŋa gyelcesne skyobte borra dzadthubkhanni Konchoggi, khyozhagunni skyon tshaŋma medkhan coa dzadte, gamo nyampo khoŋraŋŋi zirrjiddi naŋŋa khoŋŋi skundunla khyoŋŋa dzadin. <sup>25</sup> Yesu Mashika ɲadaŋgunni Tsoo gyudte, ɲadaŋgunni Konchog taŋ skyabgon cigpoa, spal taŋ zirrjid taŋ shed taŋ waŋ gun, jigsten chagssi saŋ sɲunne dagsa tshogpa, yaŋ stiŋzhinnaŋ tusgyun thobshig, amen.